

中国公共图书馆古籍文献珍本汇刊·史部

皇明资治通纪三种

1165265

中国公共图书馆古籍文献珍本汇刊·史部

明·陈建等编纂

皇明资治通纪三种(下)



中华全国图书馆文献缩微复制中心



22189639

V₁204.3
46 1-1

责任编辑 刘燕远

中国公共图书馆古籍文献珍本汇刊·史部

皇明资治通纪三种（全二册）

汇刊编者	全国公共图书馆古籍文献编委会
原书编纂者	明·陈建等
原书藏者	湖北省图书馆
出版者	中华全国图书馆文献缩微复制中心 （北京文津街七号）
印刷者	临京古籍印装厂
发行者	新华书店北京发行所
印刷日期	一九九七年七月
印数	一一二〇〇
定价	四二〇元

未经授权 不得翻印

世宗肅皇帝

秀水卜大有纂述

學錄卜六典校正

正德十六年二月丙寅 武宗崩于豹房無子廷議以

與獻王長子為 憲宗純皇帝孫倫序當立乃譏為遺

詔遵祖訓兄終弟及之文告于宗廟請于慈壽皇太后

遣官迎取來嗣皇帝位越丁卯遣司禮太監常壽寧

侯張鶴齡駙馬都尉崔元大學士梁儲禮部尚書毛澄

皇明續紀卷之上

奉金符往迎戊寅至興邸 帝迎于國門外既受 詔

乃登座受符朝群臣四月壬午辭園寢祭未發安陸

帝母蔣妃戒曰吾兒行荷重任毋輕言 帝嗚咽曰謹

受教輦道所經屏絕諸王有司覬獻命從官約束藩衛

毋擾民丁亥內閣楊廷和令儀制即中余才擬儀狀由

東安門入翼日百官朝見勅進擇日即位祭卯至京師

乃御行殿受箋由大明門入日中即位時久旱俄而大

雨沾漑頃復開霽景象一新識者知為中興之兆云

支大綸曰正德丁卯黃河清者三日慶雲見翼軫

日分而 上于八月十五日生神武英斷飭蠶亨否再

振 太祖之烈豈偶然哉

諭閣臣曰朕入繼大統母妃遠在藩府實切戀慕即遣

司禮監官奉迎○南京給事中孫懋上端本正始疏一

養聖德二正聖學三勤聖政上嘉納之○六月江彬伏

誅○議大禮尚書毛澄會公卿等六十餘人上議漢成

帝立定陶王為嗣而以楚王孫後定陶師丹善其合禮

今上宜以孝宗為考而稱興獻王為叔又以益王子崇

仁王後興獻稱考而顧稱益王為叔帝曰父母可互易

若是耶其更議大學士廷和蔣冕毛紀復言程頤漢議

最為得禮興國祀事暫屬崇仁王俟皇次子生復承玉

皇明續紀卷之上

後情理允愜不報○張璁疏言時議欲考孝宗而叔興

獻王者拘定陶濮王陳迹耳漢哀宋英立為皇嗣育之

宮中猶有父子之道令皇上以倫序當立循繼統之義

非為孝宗後也稱興獻以皇叔鬼神既不安矣稱聖母

以叔毋得不為皇上臣乎謂皇上以繼統而尊崇其親

則可謂以繼嗣而自絕其親則不可今惟別立興獻王

廟隆以帝禮聖母亦以子貴尊與帝匹庶全父子之倫

而不失尊親之孝矣帝喜曰此論出吾父子獲全矣因

諭廷和曰此議實遵祖訓據古理爾曹何得誤朕廷和

曰書生不知國體復持上帝乃召廷和等入論且手勅

曰卿等所言亦是但閔極之恩不容不報今尊父為興
 獻皇帝母為興獻皇后祖母邵氏為康壽皇太后以伸
 朕為子之情廷和曰禮為人後者為之子所生者為伯
 叔不啻降其服且異其名也臣不敢阿順封還手勅○
 九月祭酉聖母至通州以徽號未定駐留不入帝聞之
 涕泗號泣啟慈壽皇太后願避位奉母歸藩群臣惶懼
 不知所裁至壬午日至京由大明門入帝迎于闕內從
 朝議不謁太廟止見奉先奉慈二殿○下劄諭曰閔極
 之恩無由以報其勉承朕命朕考稱興獻太皇帝聖母
 稱興獻皇太后廷和言興獻帝后尊稱已極若復加皇

皇明續紀卷之七

三

字與孝廟慈壽並稱是悖所後而重本生任私恩而忘
 大義臣等死不塞責帝曰朕奉昊天至情不必拘于史
 志可勉加皇字母為托詞吏部尚書喬宇率百官爭皇
 字不可加帝曰慈壽皇太后懿旨云皇帝婚禮將興共
 加興獻帝后皇字朕不敢辭爾群臣其承后旨廷和等
 乃乞罷歸不報

壬午嘉靖元年正月追錄平濠功○禮部尚書毛澄等
 上言 皇上加恩本生御批帝后之上又各加一皇字
 似于正統之親無別何以告郊廟而布天下也不聽○
 乾寧宮小室災楊廷和言火祭風迅且迫清寧後殿豈

興獻帝后加稱祖宗神靈或有未協者乎給事鄧繼曾
 主事高尚賢等亦各上疏帝心動乃俛從廷議稱孝宗
 為皇考慈壽皇太后為聖母與獻帝后為本生父母不
 稱王而給事朱鳴陽因言清寧火災揆厥咎徵典禮失
 中實為厲階蓋禮既狗私直言者始不見用希進者恃
 藩邸之私而冒濫始多亂政者恃調護之私而大法始
 壞戚畹侍宮掖之私始得妄求貴近恃逢迎之私始敢
 干預惟皇上仰畏天變俯恤人言以端本而釐弊焉不
 報○陝西甘肅五衛軍大亂殺巡撫都御史許銘焚其
 屍銘之死實總兵李隆以私憾喉部卒殺之及揭報兵

皇明續紀卷之七

四

部則稱銘酷刻激變軍士云○二月詔曰聖母慈壽皇
 太后敬相皇考孝宗訓育朕兄武宗蔚有令聞皇嫂表
 正宮闈母儀有年聖祖母貴妃事我憲宗澤隆啟佑本
 生父與憲王聰明仁孝本生母興憲王妃莊敬勤儉誕
 育朕躬丕承前烈謹奉冊寶上聖母尊號曰昭聖慈壽
 皇太后皇嫂曰莊肅皇后又奉聖母懿旨上聖祖尊號
 曰壽安皇太后本生父曰興獻帝母曰興國太后大禮
 既舉洪恩誕敷布告天下○三月以水災免河南開封
 府及汝州秋稅○給事中史道疏更武宗廢政數款乞
 體臣工黜奸邪開言路慎賞罰行仁儉以撥亂反正上

納之○帝念翊戴功封延和冕紀為伯給誥券世襲及壽安太后弟邵喜興國太后弟蔣倫各封伯壽寧侯張鶴齡加太師太監張錦等九名承奉官等二十七人皆授太監加祿廕官其部寺臺諫各賜金緡有差○四月陝西巡按喻茂隆劾總兵李隆以私憾殺巡撫許銘命速勒以聞○正德中北虜太師亦不剌殺小王子畏其子報仇走涼州與阿你秃廝數萬乞我曠土住牧守將難之亦不剌怒大掠堡砦徃西寧外境攻破安定王族盤據西海其子麻八台復侵番落兼有西土列咂眼班板丹打力諸部漸掠西境給事中張紳蜀人也上言西

皇明續紀

五

土詣番南距松潘西跨甘肅周匝千里土廣人稠國初廢以爵賞啖以茶利非徒籍其互市亦漢人斷匈奴右臂意也今虜乃併有諸番踰秦隴則可以窺關中出階文則可以向劍外其不為膏肓之疾乎昔吐谷渾以遼東鮮卑西併諸菴遂為隋唐歷世患况虜既有定穴而復兼以富強之種落乎及今不治為患不細疏下本兵○御史盧瓊言景皇帝當也先犯順之時為正位守國之計而纂脩實錄止稱郕戾王附孝宗以始終典學之聖為太平守文今主而實錄成于焦芳之手未免是非倒置乞令儒臣改撰不允○帝從彭澤議禁閹人弟姪

勿得乞錦衣官以撓國是著為令○七月汪珊疏十漸曰皇上即位之初每事獨斷今戚里左右或得潛移陰假一漸也初每事咨訪大臣今禮貌雖隆而心實疏遠二漸也初罷諸不經淫祠今乃稍稍議復三漸也初屏絕玩好今教坊諸司得以新聲巧伎進四漸也初日覽章奏今或忽而不親輒憑左右可否五漸也冗食冗費初詔痛革今騰驥勇士不覈實是謂冗食御馬實數不稽是謂冗費六漸也初裁革錦衣冒濫今大臣近侍以迎立封爵錦衣世襲七漸也初中官有罪一切懲以正法今犯法者率貸死而罰金後將何懲八漸也中官

皇明續紀

六

有過者初旨不得任用今鎮守守備稍稍營換倖門復啟九漸也初納諫如流今言官論政事不便直批曰不准有司上奸罪未正直荅曰有旨所謂訑訑拒人十漸也疏下所司○八月南京風雨暴至江水泛濫宮闕城垣大壞民多溺死初諭文武群臣同加修省以畚修復併遣官巡視賑卹被災之家○十月給事中章儵御史梁世鏢言三代而下道學至朱熹大明近有倡為異學者以陸九淵為簡捷而以朱熹為支離宜嚴禁以正士習上曰祖宗表章六經勅崇正學欲成正大光明之業近年士習詭異文辭艱險有傷治化行督學禁論焉○

帝卽位屏去舊閣谷大用丘聚而司禮蕭敬猶在事給事張原疏言敬向道宸濠巡按程啟充籍出私書而奸黨爰書指摭尤明臺諫疏章屢上而陛下猶委以機務不知何取于敬也太監劉恭廝養王諒皆爲敬腹心招權納賄並宜極竄不報○給事中張翀請查革各省鎮守內臣以復祖制不報○十一月庚申壽安皇太后邵氏崩○大學士王鏊以上遣使存問疏謝因上講學親政三篇上褒美之○十二月群臣俱奏壽安皇太后服制已滿宜漸從吉典御奉天門視事久之乃允仍命不鳴鐘鼓不鳴鞭

皇明續紀卷之十一

七

癸未嘉靖二年正月應天鳳陽山東南陝西地震給事中黃臣言太監蕭敬久竊重柄復開傳乞之門地震之變職由斯人乞速竄逐不報○太監趙山死以從龍功廢其養子雲爲錦衣指揮太監楊璉丘清苑復援山例廢養子楊倫丘麒南京守備戴義苑復廢其從子戴錦戴後太監張欽請廢養子李賢帝以爲錦衣世襲指揮本兵彭澤及科臣夏言許復禮安榮許相卿爭之不報○大學士楊廷和言僉事史道論臣再三荷皇上下道于獄而令吏部鴻臚寺官慰臣公論明而國是定矣第聞道有老母隨養京邸乞曲賜矜全以慰其母俾道

改過自效詔曰卿忠誠體國正大光明史道挾私誣罔取罪卿更爲之陳乞具見休休有容俟鞠明處分是日上復遣中使至廷和第賜之羊酒廷和疏謝復溫旨慰之○先是上不豫百官赴左角門問安司禮監官傳旨言朕躬已安大臣免問候山東盜賊亟宜用心平定于是科臣汪應軫言弭盜大畧不過安之勝之安之之策擇守令而已勝之之策有六曰離間賊黨收用豪傑扼塞險要開糾告奸明賞罰以勸士分首從以招降且言弭盜與禦夷不同禦夷之法逐之境外而已弭盜而縱之出境是以鄰國爲壑也請爲定例凡一方盜起彼此

皇明續紀卷之十一

八

玩視不卽撲滅以致出境流劫則兩處鎮撫以下俱坐罪報可○巡撫何天衢言洛陽乃周公經營之地宜建廟賜額令守臣春秋致祭登封縣舊有觀星測景二臺公遺跡也土圭表漏具存乞勅欽天監委官考正制度尺寸書之史冊從之○御史曹嘉極論吏部尚書喬宇奸邪狀不報○二月請言官史道爲金縣丞曹嘉爲茂州判官閻潤爲蒙自縣丞御史盧煥馬錄科臣趙廷瑞御史胡效才言茂州金縣皆屬荒裔而蒙自尤非人所居人皆曰閻等至彼不死瘴毒必有觀望小人承旨而殺之者一時逐三言官已非美政况有不可言者乎不

報○二月廷試進士賜姚杰等及第出身有差○楊廷和等疏請斥遠僧道停罷齋醮九卿喬宇等各疏諫止上曰覽卿等言具見忠愛至意朕已知之○五月丁丑雷雨交作擊觀星臺候風旂連石座碎之○七月興廟祀典太常卿汪舉請用十二邊豆如太廟儀禮官賈詠言正統本牛義宜有異八佾太廟之禮也安陸似宜少殺以避二統之嫌上曰樂舞已定令所司修之何孟春等力諍不報○錦衣百戶張瑾監倉索羨凌人主事羅洪戴擬劾之瑾故哀懇願受笞洪戴以為定畏已竟笞之瑾遂以違制擅撻錦衣官奏聞命即逮訊科臣劉濟

皇明續紀卷之七

九

尚書林俊孫交各疏救不報因各求退上慰留之○科臣周瑯言比來陳萬言營第瓚瑣言之不省下羅洪戴于詔獄後交言之不聽官闢禱祀廷和言之不從恐非委任老成之道不報○九月御史秦武言 皇上近日以來或以養子而冒闔閭之封或以內臣而奪司寇之職吏部之銓除阻撓既多法司之律令更易殆盡勅自中出而政府不得贊其詞法以私行而六曹不能據其志待臣之禮久衰納諫之心愈怠經筵屢罷禱祀累修此天之所以示異也科臣彭汝實言適者黃風黑霧春旱冬雷天變于上者屢矣地震泉竭揚沙雨土地變于

下者屢矣群小漸張盜賊公行草妖水異人物之變屢矣昔人云怒予之天猶可為也忘予之天不可為也今燕閒虛費于女寵腹心委託于貂璫二廖諸張竟爾綏歛李隆繙緝猶得無恙鎮撫以報復而窘辱主事羅洪戴內豎携私鹽而執解巡檢鄭景貴皆失政之大者不報○十月科臣夏言言頃者倭夷入貢肆行叛逆且寧波為倭夷入貢之路法制具存尚且敗事况沿海備倭等衙門廢事可知宜為區處乃遣給事中劉穆往按其事○永福長公主憲宗妹也下以是月于歸蔡震時孝惠太后服未小祥而禮官上儀狀謂駙馬當四拜公主

皇明續紀卷之七

十

坐受其二科臣安磐言昔唐衡山公主適長孫氏于志寧以太宗服未除為言高宗從之閭閻小民有斯喪者不得婚嫁今太后几筵未徹而輟行婚禮何以作極且駙馬雖賤而公主坐受其拜夫婦之禮亦甚乖謬舅姑儀節尚未定議亦宜酌裁以復古道不聽○十二月光祿少卿華湘揖欽天監事上言堯時冬至初昏昴中日在虛七度今冬至初昏室中日在箕六度計未四千年已差五十度矣自正辛巳改曆至今每歲差一分五十秒至今差三度六十四分五十秒也洪武中博士元統言我朝曆法雖名大統實沿授時之舊年數漸遠天

道漸差洪武距至正一百四年歲差尚爾况至今已二
百四十三年可無修改以合天度乎不報

支大綸曰授時曆法雖起至元辛巳而不以辛巳為
曆元其法以七千二百五十七萬六千為一元之中
平分天地人三元每元計二千四百二十九萬二千
自太乙甲子至嘉靖四十三年甲子已五千二百九
十五萬八百四十矣是天地二元也今當一千九百
六十一萬七千六百已在人元後推將來每年增一
前考已往每歲減一是以太乙甲子為曆元而不從
辛巳也今以辛巳為曆元者曆家以世遠難竟故截

皇明續紀卷之十一

十一

去始元而以辛巳耳歲差之法起于子半虛六度約
下十六年而退一度自堯至洪武甲子退四十九度
五十七分故冬至日躔箕七度七十七分正統甲子
退五十度四十一分故冬至日躔箕六度九十六分
弘治甲子退五十一度二十四分故冬至日躔箕六
度十三分嘉靖甲子退五十二度七分故冬至日躔
箕五度三十分以後每度約退一分三十八秒四十
九微自嘉靖初至今上壬午六十一年又退九十三
分非復至元舊也日食多寡則里差之法當講者日
輪大月晷小故自下望之相掩南北不同每千里約

差一分東西不同每千里約差數刻正德甲戌日食
推步八分六十七秒而閩廣至食既萬曆乙亥日食
京師未甚而蘇松至晝晦則南北地勢然也

劉取等緊久所司具爰書上得旨劉取編成顏如瓌削
籍黃國用遠謫科臣劉濟言罪至戍遣亦重矣取等罪
不至此而故為苛法且緝執于羅織之門鍛鍊于武夫
之手而裁決于內降之旨何以示天下不報○帝遣內
臣之蘇杭織造工部言地方饑饉不必遣官及科臣章
僞等各諫止不聽命廷和撰勅廷和疏言蘇杭諸府四
月後元陽為虐入秋來霖雨不止饑窘非常正供不給

皇明續紀卷之十一

十一

淮揚徐任田廬漂沒幼稚許斤而鬻母子墜水而歿更
重以織恐激他變勅書必不敢草上怒其違抗切責之
廷和遂移疾乞休免之科臣葛鴻乞慰留不報
甲申嘉靖三年正月南京地震有聲○五星聚于營室
○南京刑部主事桂萼上正大禮疏言皇上非為人後
而為入繼之主當考與獻帝毋與獻后併錄都御史席
書吏部員外方獻夫二疏以聞上曰此禮關係綱常會
文武群臣集議先是上遣司禮監諭廷和加稱與獻帝
后皇號廷和言不可已而上御平臺召廷和冕紀入見
授以手勅諭加皇號廷和言奉迎之初正統本生講論

定豈得不願義理徇情而行皆不聽至等疏入帝
益堅○科臣毛玉敷平濠功次因疏內外官不宜交
迎藩府着爲今○禮部尚書汪俊等上所議禮極辨桂
尊等議禮非是上諭曰正統大義不取有違第本生至
恩情欲兼盡其恭衆論詳議以聞○楚王榮誠以儀賓
沈寶疏上代府長史李錫南京都察院經歷黃縮錦衣
千戶聶能與瑄議合帝益心動命取庶書桂尊併從里
中起詣請京集議○與國太后千秋節命婦各上箋賀
晏資倍常○南畿諸郡大饑人相食巡按朱衣言民迫
饑餒發婦劉氏食四歲小兒百戶王臣姚堂以子鬻母

皇明續紀卷之十

軍餘曹洪以弟殺兄王明以子殺父地震霧塞吳彌于
里時盜賊蜂起同廣青齊豫楚間所在成群泗州洪澤
江洋盜艘動以數千上命戶部侍郎席書祭帑截漕
粟賑之又祭帑金十五萬分賑淮鳳二府江盜勅操江
伍文定擒捕○三月修撰舒芬御史朱泚等各疏言皇
上孝事兩宮當如一日典獻太后聖誕既已朝賀今昭
聖誕辰遽傳命嬪免朝禮數頓殊關係不小况當議禮
紛更之日此報一出人心驚疑乞別降綸旨以彰至孝
上怒其出位妄言各逮訊○都御史吳廷舉上言大禮
宜類編成書以正前代之謬時大禮已定上報聞給事

中張喬劾廷舉首鼠兩端陰附邪說劉祺又疏廷舉欺
罔九罪不報○五月修撰呂柟以脩省自劾不職十二
事以致災變所由起引爲已不能獻納之罪言甚切直
下鎮撫司拷訊○上定奉先殿西室名觀德殿奉安獻
皇帝神主○霍誥壯心力辨二父兩統之非而席書亦
上大禮考議總專至復條七事以上俱留中鴻臚少卿
胡待言祖訓兄終弟及蓋嚴嫡廢防覬覦耳魯嬰齊不
受命歸父漢病已不受命昭帝何必受命乃爲後哉帝
怒誥爲潞州判官○六月員外薛蕙上爲入後辭三篇
爲入後辯一篇止冷鎮撫司逮訊○御史段續陳相各

皇明續紀卷之十一

疏等假議禮以干進不宜驟加清秩帝怒其排妬忠
良速獄謫補外南京尚書楊旦顏頤壽沈冬魁李嗣元
翟文奎侍郎陳鳳梧等都御史鄒文盛伍文定等各上
言俱切責之○七月魏謩上言今日典禮願與禮官辨
晰列十三事以上一曰三代以前無立後禮二曰祖訓
不言立後三曰孔子射于矍圃斥爲人後者四曰遺詔
不言繼嗣五曰禮經本生父母六曰祖訓稱天子爲叔
伯父七曰漢宣帝光武俱爲父立皇考廟八曰朱熹嘗
言定陶事爲壞禮九曰古者遷國載主十曰祖訓皇后
治內凡外事無得干預不宜假昭聖懿旨十一曰皇上

於大行壽安太后不得率天下終三年喪十二日新頒
詔宜改正十三日臺諫連名章疏勞有所迫禮官欺妄
罪不可追疏入何孟春復為論條辨帝切責之○帝罷
朝齋居文華殿金獻民徐文華倡言諸疏留中必以孝
宗為皇伯考矣何孟春日憲宗時慈懿太后葬禮尚書
姚夔率百官伏哭文華門力爭憲宗從之此我朝故事
也楊慎曰國家養士一百五十年仗節殉義正在今日
王元正等遂遺留群臣于金水橋口萬世瞻仰在此一
舉不力爭者共擊之于是何孟春等二百二十餘人俱
跪伏左順門大呼高皇帝孝宗皇帝聲徹于內上使司

皇明續紀卷之十一

五

禮諭退不從上命錄為首者以學士豐熙給事中張翀
等八人詔獄揚慎王元正乃撼奉天門大哭群臣皆哭
聲震闕上大怒命逮馬理等一百三十四人俱下詔獄
併何孟春金獻民等共二百二十人為首者成邊四品
以上奪俸五品以下并謫豐熙等一百八十餘人各杖
有差病創卒者十有七人○八月晉府西河王奇湖有
孝行其毋嘗病渴王仰祝天甘泉湧出病愈建醮禱
有雙鶴飛鳴繞壇後毋卒王哀毀骨立宮堦古栢生奇
葩二異香襲人人以為孝感下所司勘實命勅獎諭○
九月汪偉鄭岳徐文華與魏等辨論未決武定侯郭勛

遽曰祖訓如是古禮如是八臣事君將順其美魏等言
當于是書尊魏獻天會公鶴齡侯助仇鸞等六十四人
上言三代之法父死子繼兄終弟及今孝宗有武宗為
子不宜更立皇為後人無二本孝宗伯也宜稱皇伯
孝昭聖伯母也宜稱皇伯母允合天理協人情獻皇帝
主別廟不入太廟尊尊親親兩不悖矣于是稱孝宗
敬皇帝曰皇伯考昭聖康惠慈壽皇太后曰皇伯母恭
穆獻皇帝曰皇考章聖皇太后曰聖母詔諭天下○安
陸松陵山帝既改名顯陵等諸陵矣百戶隨沔者請改
遷工部尚書趙璜言顯陵為先陵體魄所安不可輕犯

皇明續紀卷之十一

十一

山川靈秀所萃不可輕泄太祖不遷孝陵太宗不遷皇
陵可以為法帝命多官集議席書等亦言顯陵勢如伏
鳳氣結盤龍實山川之勢隨全妄議乞罪之帝曰先陵
遠在安陸朕瞻仰哀切其再議之書與魏等復言不可
遷○十一月吏部侍郎胡世寧以疾在告上疏曰群臣
有罪宜下司寇問理輕重誅黜皆依律斷今鞭朴行于
殿廷刑辱上于大夫非所以昭聖德也下禮部議聞○
評事常高臣言臣以廷平庶獄為職今群臣以大禮忤
旨調任者侍即何孟春請成者豐熙等八人杖歿者王
忠等十七人皆國家大獄關係非小願復成者之官錄

成者之後逮繫者釋之而正計者之罪上以商臣沽名
瀆奏降二級調外○遼東妖賊李真陸雄等聚眾謀不
軌入山海關殺守關主事王冕守臣以聞命各鎮巡官
逐捕並優恤王冕

乙酉嘉靖四年正月寧波知府楊最言本郡僻處海隅
地不產桑額貢綺縵市諸嘉湖乞改貢價料從之○巡
撫江西陳洪謨言禮人子事親三諫不聽則號泣而隨
之前者議禮諸臣伏闕號泣誠為有罪而揆之于禮亦
有所本况何孟春豐熙操履淳固宜置左右以資啟沃
呂柟楊慎論思有體宜出禁闈以責後效張元毛王歿
皇明續紀卷之五

無以歛妻妾流落宜曲賜優卹不報○二月先是蘇松
常三府大饑詔緩征歲賦三十八萬有奇俟兩年後帶
征至是巡按朱寔昌言凶災之餘後責宿逋重為民困
戶部復議帶徵銀數派為二分歲征其一若數年以後
帶徵錢糧有可緩者宜蠲之上從其議○土虜番牙水
蘭擾哈密率眾侵肅州○日本宗設肆掠後入海卷無
可踪跡獨宋素卿瑞佐就執下獄朝鮮主李懌奏致兵
檄所得仲林望古多羅三十三人及華人被虜者八人
獻闕下命科道劉穆王道覆之獄既具乃論素卿叛正
仲林望古多羅故殺斬瑞佐釋還國○三月修獻皇帝

實錄○仁壽宮災○光祿署丞何淵上疏請立世室崇
祀皇考下禮部會議科臣楊言等復上疏請罷章下所
司○五月四川兵備余珊效魏徵陳十漸一紀綱漸頹
二風俗漸壞三國勢漸輕四夷狄漸強五邦本漸搖六
人才漸凋七言路漸塞八邪正漸淆九君臣漸睽十災
異漸臻報聞○六月席書作廟議曰親盡之期與孝廟
祠帝曰何故對曰德祖太祖太宗皆百世不遷懿祖而
下隨世遞遷獻皇與孝宗同世親盡則祧帝曰既立別
廟不與祖廟列奉祧將藏何所書曰藏主寢殿歲暮祫
祭如太廟儀帝曰皇考生朕一人入繼大統今特立廟
皇明續紀卷之六

百世不遷仲朕孝思○七月吏部奏御史孫元席春劉
葵皆當路子弟例宜改授命為按察司僉事席春書弟
也書乃邀恩桂排費宏而上疏乞恩改授館職遂命春
為脩撰變為編修科臣鄭一鵬劾書自負議禮偶合聖
意而恣行胸臆為第乞憐恩專耳為鷹犬無復忌憚乞
將春削籍以明公論帝切責之○勅建處士吳與弼祠
于本鄉令有司致祭從巡撫陳洪謨請也○八月致仕
刑部尚書林俊卒病時疏言身後乞免祭葬以安存歿
於錄議禮諸臣以慰幽明時杖之法成化初皆厚綿重
逼止以示辱逆理亂政始解衣篝楚非仁厚之道也碩

德如羅欽順王守仁呂柟曾鐸速宜引用以裨聖德報

支大綸曰見素立朝正直不妄說隨尤好引掖後進庶幾君子儒乎

十一月太監梁棟奏內府供用金珠寶石缺乏戶部尚書秦金言朝廷經費多端况廣東雲貴災異頻仍一聞採取民不堪命不允○命再註尚書伊訓併聖祖所製洪範註與近日御製無逸分為三書共成一帙復命將臯陶伊訓無逸註釋名曰書經三要○太監李能言權取山海關稅以備邊費戶部言關以詰奸非以謀利元

皇明續紀卷之十一

九

年奉詔蓋革而更開利門乎不聽

丙戌嘉靖五年正月御史張袞乞宥伏闕諸臣吏部覆議俄報罷科臣史于光疏抹不報○二月虜亦卜刺住牧寧夏賀蘭山後將以水合渡河入套鎮巡官以聞上趣提督王憲兼程赴任○科臣林士元劾奏學士桂萼與尚書趙鑑論陳洗罪至攘臂相加夫光負不赦之罪而萼乃欲撓法以抗君忿戾橫于胸臆攻擊加于班儕夫大臣體章下所司○大真人張彥頰以府第災請賜更造上命有司造焉且遣中官往董其事科臣黃臣諫止不聽○御史雷應龍請罷光祿寺歲供鳥獸飼肉

萬六千餘勛林豆五千三百石命所司覆數以聞○三月廷試進士賜襲用卿等三百人及第出身有差○四月太監張忠以營建宮殿為工匠趙金等乞恩報秩為錦衣千百戶者六十人侍即胡世寧科官鄭自璧等力

諫未報會太監周縉等乞錄故太監羅喬秦文宗詔許之尚書李鉞等再諫不聽○張璠惡諸庶吉士抑之選科道部屬有為知縣者○岑猛者田州指揮也其先曰伯顏以歸附世田州府猛之况曰田獠者弑父自立為土目黃驥李蠻所殺猛奔梧州督府奏令承襲後與思恩知府岑濬仇殺猛敗走都御史潘蕃誅濬降猛為福

皇明續紀卷之十二

十

建千戶正德中賂瑾得以同知攝州事猛撫戢遺民兵歲日振會以征江西盜功遷指揮同知猛以未復祖醫為憾漸不用命都御史盛應期奉旨遣都指揮沈希儀等五將軍帥師八萬以叅議胡堯元監軍討之○七月朔享太廟遣駙馬崔元代給事中章橋言廟享重典不宜遣代又况臨時差遣倉惶就位誠敬何存上以僞妄言奪俸三月○八月帝欲遷觀德殿于奉先殿左問于宏一清等對言奉慈在西恐獻皇神明未安帝曰遷觀德殿與奉慈無預勿多言蹈前失宏等不敢復諍乞勅禮王三部下杜嘗度席書等言災異非第效也宜罷不

報○上御書十二言曰法祖安民奉天行道福善禍淫
頒示群臣○帝更譔世廟樂章迎神曰永和初獻曰清
和亞獻曰康和終獻曰冲和撤饌曰太和還宮曰寧和
○魯迷貢獅二犀牛一帝命收畜內府因留夷人養之
御史張永力諫不聽○十月上製敬一箴及註范浚心
箴程頤視聽言動四箴頒賜大學士費宏等各疏謝○
帝奉章望皇太后謁見世廟帝諭輔臣曰聖母欲謁世
廟卿謂何如宏一清曰國初禮制皇后初謁太廟永樂
時改謁奉先殿無至太廟者以正乾坤之位謹內外之
防也聖母謁廟不可帝以問魏寧對曰唐開元禮有皇

皇明續紀卷之七

三

后廟見之儀國初皇后謁太廟內外命婦陪侍永樂止
謁奉先皆當時禮官失考非祖制也皇太后中宮宜先
見太廟以補前禮之缺次謁世廟以成今禮之全宏一
清曰魏寧所引開元禮不可為法國初禮文未定二臣
欲復廟見是彰祖宗之闕也不可庶書劉龍曰高皇帝
準古廟見禮為大婚冊后之制未及施行復定冊后止
謁奉先殿地所引俱婚禮今乃行大祭禮不可附會章
聖皇太后且奉主後謁觀德殿以守祖法魏寧曰周王
宗廟之祭王服衮冕而入立東序后服副禘而入立西
序九獻各四拜是天子與后共承宗廟也皇上毅然舉

行以復古禮未為不可因具議上席書等不能難乃請
皇上同行以主斯禮從之○十月綸脩孫承恩摘取尚
書中善惡事編成韻語以為法唐虞至宗元人君事跡
可為法戒者彙括成詩六十首以獻上嘉納之賜名鑿
古韻語○十二月大學士楊清以災異兩上脩省疏
上嘉納之○頒示獻皇恩紀合春堂併帝所製詩序于
群臣思紀藩邸受賜之○御史吳仲言太監鄧文遵例
請勅益織市舶漸次增復武定侯郭勛驕汰剝削黃富
賈通豚鬻傳乞議禮諸臣淹屈累年皆陛下所當脩省
者張璠排詆費宏而宏蒙醜持位政府招權有司貪酷

皇明續紀卷之七

三

皆臣下所當修省者不報
丁亥嘉靖六年二月錦衣百戶王邦奇陞千戶遇詔削
級邦奇以詔出楊廷和子深怨之及奏復舊職又為彭
澤所抑乃上疏陳邊事誣澤與廷和請誅此兩人疏下
兵部復上言費宏石瑄俱楊廷和奸黨得奏欲為彌縫
而廷和子兵部主事惇藏匿舊贖令前後奏辭莫得驗
彭澤弟彭冲又為交通請托上命下惇等獄令廷和會
鞠科臣楊言奏邦奇心懷怨望詬辱大臣帝怒其為太
臣遊說即朝中逮繫下鎮撫司鎮遠侯顧仕隆覆邦奇
所奏皆虛妄上謂仕隆徇情曲護切責之以楊惇隱匿

卷宗職編氓揚言輕率妄言調外任邦奇陳言希用
 降鎮撫○五月京師雨錢○六月初費宏議世廟止用
 文舞隨全何淵言武舞未備宜議定一清詠鑾及侍郎
 劉龍言高帝以武功定天下故奏武德文始之舞惠文
 二帝止用文始昭德世廟不用武舞未為缺典張璠曰
 王制祭用生者爵皇上尊獻王為天子父樂頌可缺耶
 且天子八佾為人六十四諸侯六佾為三十六國朝太
 廟文武舞各八計一百六十八人王國宗廟文武佾各
 六計七十二人獻王在藩已用七十二人矣今追王而
 僅六十四人可乎桂萼言周禮以司干掌舞器祭統以

皇明續紀卷之十一

三

翟為樂之賤蓋音貴人聲而容貴于戚則去武舞者去
 所貴也可乎帝曰爾據經籍推論甚明朕甚嘉之不用
 武舞寔為缺典即增之○七月壬辰南京雨血○上諭
 講官日輪一員將經書通鑑撮其有關君德政事者直
 錄其義以贊所未曉大學士楊一清言經書淵微通鑑
 浩繁請日講大學衍義從之○總理河道章拯言今濟
 漕有二處一日孫家渡在滎澤縣一日趙皮寨在蘭陽
 縣北皆可引水南流以殺河勢但此二河通亳州渦河
 東入淮又東至鳳陽長淮壽春王等園寢為患叵測惟
 寧陵縣空河一道通飲馬池至文家集又經夏邑至宿

州等離橋出宿遷小河口趙皮寨文家集九二百餘里
 其中壅塞者宜大加濬治庶水勢殺而園寢無患乃為
 圖說以聞上然之命即舉工○九月徐溝縣民薛良訐
 張寅係妖賊李福達易名山西巡撫江潮巡按馬錄摺
 拾其事坐以謀反時武定侯郭勛遣書馬錄為訟其冤
 錄併劾勛下刑科給事張達等復劾勛黨逆命下繫法
 司會問時薛良及證者面指寅為福達寅語塞刑部尚
 書顏頤壽具獄如江潮馬錄言上令午門外更訊頤壽
 仍執前詞上曰俟朕親鞫于廷楊一清以黼辰不親鞫
 訟乃已仍會訊之壽頤等乃改擬寅造妖言律上曰妖

皇明續紀卷之十一

三

言亦不見妖書令取原勘官面質言薛良昔與張寅有
 隙將李午妄作福達並無反乳等情上怒令下顏壽江
 潮馬錄等法司用刑推究時法司虛無人乃命桂萼摺
 刑部張璠攝都察院方獻夫攝大理事訊于闕廷具得
 張寅被誣狀帝怒欲坐馬錄以妖辜謂張寅未決而馬
 錄受夾天下不服宜以故入人罪未決者論永成嶺南
 釋張寅奪顏頤壽江潮併原問官布政使按察使李璋
 李珏章綸等官既而上諭楊一清等曰馬錄首事害人
 罪有所歸與其侈及後世不若誅及其身以從舜典罰
 弗及嗣之意一清曰錄無當死之罪律無可擬之條不

宜法外用刑上不得已從之

吳瑞登曰薛良之挾仇張寅之受枉馬錄故入人罪
顏願壽扶同執問世宗再令詔獄寅得辨雪錄乃遣
戍恤無辜正法律其英明果斷蓋千載所無雖論其
情欲置之於死而按其罪姑重之以律一清折獄之
妙也君不廢法民不受枉即臯陶何以加焉

張璉疏請各省鄉舉俱照兩京例命京官往試京闈分
考亦用甲科以羅真才從之○李福達獄平賜璉二品
服金束帶及入閣賜玉帶銀圖書二日忠良貞一日繩
愆糾繆楊一清曰首德中正日繩愆糾繆登曰請謹
皇明續紀卷之五

學士繩愆輔德桂亨曰忠誠靜慎繩愆匡違各銀圖書
○十月初哈察為土魯番所破餘衆走入塞散處諸城
並僦屋以居貸田以耕邊臣因撫留之時其酋長以屋
地不足奏請量給提督尚書王憲言土魯番獻款求和
哈密與復計日可待而酋長忘其故國長有所求且夷
性無厭將來何極上從之○詹事霍誥陳數事一言洪
武中令天下多栽桑棗今六軍萬姓仰食江南萬一漕河
遷徙南土災荒將安仰給必興治北方水利勸課農民
栽種桑棗此今日急務也一言永樂中命寶源局鑄農
器給山東被兵之民今誠能查覈兵符招集游民給以

農器使耕邊地則數年後可盡闢也一言農桑為衣食
之原請勅巡按督守令用心勸課一請于陂塘湖堰可
蓄可洩者皆因地脩濬既可興水利以灌農畝亦可分
殺河勢不致橫溢一言內外軍戍載有定額今陸
授漸多乞勅兵部查覈其數一言洪武中軍戍子弟年
至二十方許比試襲我初試不中者食半俸再試不中
者降充軍制維世襲典嚴考選乃今悉賂權貴雖乳臭
小兒無不中者乞嚴納賄之禁舉比試之實一言成祖
既平交趾問陞賞孰便復原吉曰當費于一時有限陞
費于後日無窮故惟陞首功餘皆賞資適年奏捷者帶
皇明續紀卷之五

奏者獲妖言獲賊盜者冒濫陞職如祖制何一言天下
儒生不知誥律請照洪武中例令禮部刑大誥諸書頒
示生員及民間子弟講讀一言奸民避罪及惰民不力
田者俱欲為僧請照永樂中例有私自削髮者并父兄
發北京種田則邊方可回而貧民得所一請照景泰中
令各寺觀每留田六十畝餘悉給民佃種疏入詔下所
司
吳瑞登曰此疏皆經國實務非青生臆說也北方之
民不習農業撫按之官不勸農功武弁以賄襲職而
不知勸畧弓矢之士以藝相高而不知講讀誥律茫

宮緇流簧鼓愚俗奸雄藏匿乘隙為非皆後世因襲之弊諂取祖宗所已試者欲世廟行之其謀慮遠矣
 戊子嘉靖七年正月日重暈生珥右有戟又白虹彌天
 ○大學士楊一清等言宮寢之中非祀天之所每旦拜祝似煩且褻請息之報聞○楊一清言京營將領多係勲臣世胄膏粱統轄之輩宜依弘治間劉大夏所議凡邊將曾經戰陣偶坐事居閑者悉取來京付以蒐選教練之任從之○二月帝勅戶部曰其肅邊儲久缺其詳畫經久之策以聞胡世寧曰其肅米價湧貴由壞祖宗籌邊策耳永樂中邊儲悉籍鹽法每鹽一引輸粟二斗

皇明續紀卷之十一

三

五升富商悉聚邊鄙自行耕墾樹藝兼築堡聚所以兵強食足天順成化中變其良法輸金戶部商賈不復在邊芻粟悉資輓運轉販艱難益以饑荒價遂騰湧今米一石價至五兩兵民捋腹殍載道宜復鹽法以紓邊困霍謫亦云宜復鈔法以存竈戶輕引銀以來商賈帝嘉納之○三月南贛巡撫汪鋐奏元日甘露降于長泰等縣上賜鎡白金文綺遣官祭告薦于宗廟○勅製忠靖冠服○五月北畿山東河南山西陝西大旱詔求直言楊一清疏曰今日之務在省事不在多事在守法不在變法在安靜不在紛更在寬厚不在煩苛昔人有言

為國有不足懼者五深可懼者六今日之弊實恐坐此臣舉其要曰舉賢才以充任使收人心以固邦本求直言以防壅蔽而已帝嘉納之○提督兩廣軍務王守仁報思田賊平疏陳窮兵盡勦則有十患罷兵行撫則有十善上嘉之○提督三邊尚書王憲言甘肅開中引鹽召商上納糧草以備緊急各商開納本色未有應者乞行總理糧草部御史會甘肅撫臣酌處本拆蕪收廢人情樂從邊儲有賴從之○六月明倫大典書成上親製文序之○定議禮諸臣罪以廷和為罪首編氓毛澄以下罪各有差○七月上追壽安皇太后尊號追加恭穆

皇明續紀卷之十一

夫

獻皇帝尊謚章聖皇太后尊號○吏部侍郎湛若水進所撰格物通百卷詔留覽○工部侍郎潘希曾上治河疏畧曰河之大而要者有三一孫家渡涇長淮衛趨淮入海一趙皮寨經符離橋出宿遷小河入海一沛縣飛雲橋經徐州趨淮入海夫孫家渡趙皮寨乃上流之支河飛雲橋乃下流之支河弘治以前三支分流會于淮而入于海故徐沛無患漕渠不淤今上流二支俱就湮塞全河東下併注于飛雲橋一支下東徐呂二洪上過閘河流水茫無畔岸决堤塞沙大為漕患然非疏其上流則秋來水發沙雖挑而復淤堤雖築而復决近因趙